

Deo optimo max. uni & trino, Virgini Deiparæ, & sancto Lucae orthodoxorum Medicorum Patrono.

Q U Æ S T I O M E D I C A .

Cardinalitiis disputationibus manè discutienda in Scholis Medicorum, die Jovis decimo-sexto Februarii.

M. MICHAËLE DE HODENCQ, Doctore Medico, Præfide.

An cujuslibet causa morbi una è sex rebus non naturalibus?

I.
TAM DIU vivit homo, quamdiu functiones obit omnes quæ secundum naturam ejus sunt, easque potest exercere. Pendet integritas isthæc à diversâ partium corporis solidarum fluidarumque figurâ, magnitudine, numero, situ, conjunctione. Quando igitur horum singula ritè se habent, sanitate gaudet homo; quando malè, doleat idem oportet. Æqualis omnium symmetria, sanguineæ molis spirituumque laudabilium soboles, & commæantium ordinatim. Cruor legitimâ crassi donatus compositèque fluens, solidis corporis partibus debitam inurit impressionem sui, unde sanitas; iniquam è contrario, si à justâ temperie desciverit, decurreritve inconstanter. Spiritus à sanguine aëreque confusus oriundi, cruoris naturam & motum planè sequuntur. Efficaces ambo cum ad sanitatem, tum ad morbum, ubi mutuum sibi necessâriôque præstant operam.

I I.
IS propterea universam tenet ægritudinum intelligentiam, cui solidarum partium structurâ benè informato, fluidarum ametria semel perspecta est. Intemperici non plus tribuit ille quàm debet, calido, frigido, humido siccoque postremam & minimam agendi virtutem adscribit ad procreationem morborum; primam præcipuamque tribuere mavult lapidis cruoris moleculis, quæ gratam violavere fœderis concordiam, per quam antea secum invicem amicissimè jungebantur. Conformationis morbos (ni tales ab utero fuerint) effectus putat dissensionis alicujus exortæ inter acerbis, acidis, austeris, salis, acres, amaras, dulces, inspidas & pingues particulas sanguinis; obstructions, scirrhus, phlegmonas, communissima ægritudinum genera, cédè revocat; solutæ demùm unitatis in partibus affectiones impedimenta totidem esse credit, in functionibus quæ secundum naturam sunt exequendis, extrinsecus advenientia.

I I I.
CONCORDIAM sapidarum cruoris molecularum, bonæ valetudinis custodem quisquis à semetipsâ distrahi posse judicat exemplo vini acescentis, ignorat vehementer efficacitatem particularum aëris sese quoquoersus insinuantium. Hic fermentationem opifex in corpore singularum eximius, ut primum sanguineam molem subiit, siquidem alienis corpusculis onustus illabatur, hanc spiritusque simul perversè ciet; confociationem illicò inituros ei prorsus adversam, à cujus beneficio prius valebat homo. Tum acrioribus factis amarioribusque pluribus ejusdem molis sanguineæ particulis, cruorem quàm antea celerius agitari; acerbioribus verò, acidioribus, austerioribus, falsioribusque factis, hunc inertius moveri videas, spiritus in consueto cursu ad istius rationem immutatis. A velociori porro vel segniori cruoris motu quot ægritudines, in quas sæpius incurrunt, quotquot vel de aëris vel de suâ ipsorum naturâ parùm eruditi sunt, vel de utrâque sibi opportunè conciliandâ parùm solliciti.

I V.
QUASCUMQUE præbet hominibus escas animalium familia, nemo nescit sale volatili plurimo fœcundas. Quæ petuntur è stirpibus edulia, confusio salium, ac sæpius volatili inops. Alimenta interim sanguineæ moli spiritibusque mutationes afferunt infestas sanitati per salium alterutrum plus justo præcellens. Acre scilicet amarumve sal cruorem ac spiritus attenuat, rarefacit; acidum & salsum eadem cogit, inspissat: utrumque potentius, idoneum germanam sanguinis evertere crasin, diuereque systasin spirituum. Ubi cibus multiplex, nimius, intempestivè præposterèque ingeritur, ex his quanta morborum ilias? Par & ab exercitatione iniquis susceptâ conditionibus: undè cieri spiritus, attenuatumque nimis pretiosum laticem in serum abire, collabi vires; hic fluente segnius cruore, pigrius actis spiritibus, phlegmonas, obstructions & scirrhus generari, gemere sub pondere vires.

V.
SOMNUS acceptissimum homini à naturâ beneficium, ut & quies. Ambo præstabilis fessorum animalium medela, ritè capiantur. Ab utroque diuturniori, singula præter quæ transmittendus est cruor, incernicula corporis non patent quod satis est, sanguineæ moli suus non accedit nitor, spiritus minimè defœcantur, robore minuitur corpus, bono habitu decrevit: ab utroque breviori è contrario. Retentis quæ sunt excernenda, insensili transpiratione privamur, stagnat cruor, in situ & spurcitie totus; sarcinæ brevi succumbendum: profuso laudabilium succorum thesauro, summa sequitur sanitatis, interdum & vitæ jactura. Demùm animi perturbationes, per impulsione modè ratam ac levem quam sanguini procurant, bonæ valetudinis parentes futura, quando jucundæ: sed vehementiores ulterius agitant cruorem, dum tristiores seu repentina fuerint, seu non, sanguinem spiritusque reddunt inertiores, exortoque semel inter vivifici nectaris particulas divortio, ægritudines innumeras invehunt.

Ergò cujuslibet causa morbi, una è sex rebus non naturalibus.

Proponebat Parisiis PHILIPPUS CARON, Parisiensis, Baccalaureus Medicus. A. R. S. H. 1690.

(1733)
Lug 1433

